

Covid-19  5,803 Kes baharu | 5,193 Sembuh | 81 Kematian

Pancaindera  
**Fattah Amin**  
Saya juga pernah  
mengalah...  
»20 & 21



# PEMIKIRAN BARU Mingguan Malaysia

Kerajaan kena sambung PKP turunkan kes bawah 4,000

## Tiada pilihan

Oleh MOHAMAD SHOFI MATISA  
[shofimatisa@mediamalak.com.my](mailto:shofimatisa@mediamalak.com.my)

**KUANTAN:** Pelaksanaan Perintah Kawalan Pergerakan (PKP) 2.0 faa pertama wajar disambung untuk memastikan angka harian jangkitan pandemik Covid-19 dalam komuniti turun di bawah 4,000 kes berbanding

angka purata 5,000 kes sehari ketika ini.

Bagi mencapai matlamat tersebut, kerajaan perlu memastikan industri dan sektor pekerjaan yang dibenarkan beroperasi dipantau lebih ketat atau menutup terus operasi industri yang menyebabkan penularan jangkitan.

Bercakap kepada Mingguan

Malaysia, Presiden Pertubuhan Doktor-Doktor Islam Malaysia (Pediim), Dato Dr Ahmad Shukri Ismail berkata, mahu tidak muh, PKP fasa pertama perlu dilanjutkan sehingga Hari Raya Aidiladha bulan depan.

Ini kerana, menurut beliau, statistik kes jangkitan positif ketika ini masih di atas garis batas dan langkah seterusnya

memerlukan pengkuatan sah lebih ketat kerajaan dalam membendung penularan wabak.

"Rakyat kena berkorban kerana mereka terlukut secara langsung untuk memastikan penularan jangkitan positif wabak dikawal."

Bersambung di muka 2



**PKPD lagi**

SEORANG wanita melalui jalan di Kampung Segambut Dalam di Segambut yang dikenakan Perintah Kawalan Pergerakan Diperketatkan (PKPD) mulai semalam hingga 9 Julai bagi mengawal penularan wabak Covid-19. - MINGGUAN/AMIR KHALID

WAWANCARA  
UMMI HAFIZA ALI

Rakyat dah  
tiada apa nak  
kais! »12 & 13



**Penuntut perubatan di Mesir terumbang-ambing**

Oleh JUANI MUNIR ABU BAKAR  
[juani.zulkefli@mediamalak.com.my](mailto:juani.zulkefli@mediamalak.com.my)

**PETALING JAYA:** Kira-kira 200 penuntut jurusan perubatan Malaysia di tujuh buah universiti di Mesir terkesan ekorni ketetapan baru dikeluarkan Majlis Perubatan Malaysia (MPM) berhubung kelayakan kelulusan mereka.

Kesemua mereka sebelum ini menggunakan Sijil Pelajaran Malaysia (SPM) untuk mengikuti pengajian perubatan di Mesir.

Bagaimanapun, mengikut peraturan baharu, MPM menetapkan penuntut jurusan perubatan negara ini diwajibkan selorong kurangnya mesti daripada lepasan matrikulasi atau asasi atau prauniversiti atau Sijil Tinggi Persekolahahan Malaysia (STPM) atau A-Level atau lain-lain peperiksaan yang setaraf dengannya.

Bersambung di muka 3

# Tiada pilihan

Dari muka 1

“Selain penguatkuasaan menyeluruh, usaha vaksinasi juga perlu agresif demi mencapai imuniti kelompok dengan segera,” kata beliau semalam.

Selain itu, Ahmad Shukri berkata, kerajaan juga perlu memastikan semua industri yang dibenarkan beroperasi menjaga prosedur operasi standard (SOP) termasuk membuat saringan ke atas pekerja mereka.

Terdahulu, mengikut Pelan Pemulihan Negara, Menteri Kesihatan, Datuk Seri Dr. Adham Baba memberitahu, negara boleh beralih ke fasa kedua jika purata kes Covid-19 berada di bawah 4,000 kes sehari selama tujuh hari berturut-turut.

Selain itu, penilaian bagi peralihan fasa juga akan dibuat mengikut kapasiti katil di unit rawatan rapi (ICU) yang perlu mencapai paras 75 peratus dan sebanyak 10 peratus populasi telah divaksin.

Semalam, negara merekodkan jumlah positif 5,803 kes berbanding 5,812 kes kelmarin. PKP fasa pertama dijadual tamat esok. Pelaksanaan fasa pertama bermula 1 Jun lalu sebelum dilanjutkan dua minggu bermula pada 15 Jun lalu hingga Isnin ini.

Sementara itu, Pensyarah Fakulti Pengurusan Industri Universiti Malaysia Pahang (UMP), Dr. Noraina Mazuin Sapuan pula berkata, keputusan melanjutkan PKP harus diteliti dengan lebih mendalam dari pelbagai aspek kerana kehidupan masyarakat semakin terhimpit apabila kerajaan



DR. AHMAD SHUKRI ISMAIL



DR. NORAINA MAZUIN SAPUAN

hanya membenarkan sektor perlu beroperasi.

“Dengan penutupan pelbagai sektor bukan perlu, menyebabkan ramai pekerja dalam sektor tersebut terjejas kerana ada yang kena potong gaji dan ada yang hilang langsung pendapatan.

“Malah ada sektor memilih membuang pekerja kerana tidak mampu meneruskan operasi dan menampung kerugian kesan penutupan seperti diarahkan kerajaan,” katanya.

Menurut beliau, kerajaan patut mempertimbangkan semula pelaksanaan PKP 3.0 bersasar selepas 28 Jun bagi mengelakkan lebih ramai terkesan dan yang sudah terkesan menjadi bertambah parah.

“Antaranya PKP 3.0 hanya perlu diteruskan di kawasan yang masih mempunyai kes yang tinggi seperti di Selangor, Kuala Lumpur dan Negeri Sembilan.

“Namun jika PKP 3.0 fasa satu disambung lagi, kerajaan perlu segera memperkenalkan langkah-langkah tambahan pemulihian ekonomi untuk meminimumkan impak buruk

ekonomi dan lebih penting rakyat kena dipastikan boleh terus hidup,” kata beliau.

Jelasnya, antara langkah dicadangkan ialah kerajaan perlu menyediakan tambahan bantuan kewangan dan bukan kewangan bagi menyokong kesinambungan perniagaan, membantu majikan menampung pembayaran sewa bangunan, upah pekerja, subsidi bahan mentah dan memberi latihan kepada tenaga pekerja dan penganggur.

Sementara itu, kerajaan dijangka akan mengumumkan status pelaksanaan PKP 3.0 fasa pertama sama ada dilanjutkan atau tidak hari ini.

Kenyataan yang tersebar di media sosial semalam, kononnya tempoh pelaksanaan PKP 3.0 fasa satu disambung lagi adalah palsu.

Tinjauan *Mingguan Malaysia* di laman sosial pula mendapati rata-rata netizen seolah-olah berputus asa untuk mendengar khabar gembira mengenai PKP 3.0 dan ramai juga dengan sinis mencadangkan perintah tersebut disambung sehingga Hari Krismas.

